

# UTUMIKI WATHU WA UMAMBO

## NTHANDA YA MUROPE YA 2015

NSOLO WA NTHANDA: 'Khalani Dzololo M'mabasa Onsene Adidi.'—Tito 3:1.

### SUMANA 9 YA MUROPE

Nyimbo 44 na Phembero

#### ❑ Pfundziro Ya Bhibhlyya Ya Mpingo:

my nsolo 82 (mph. 30)

#### ❑ Xikola Ya Utumiki Wa Mulungu:

**Kuleri Bhibhlyya:** 1 Samwele 1-4 (mph. 8)

**N.º 1:** 1 Samwele 2:30-36 (mph. 3 peno zakucepa)

**N.º 2:** Kodi Ninja Pidalongerter Bhibhlyya Thangwi Ya Mesiya?—igw tsa. 10 (mph. 5)

**N.º 3:** Maonero a Mulungu a Kuphatisira Ciro-pa Anagumanika m'Bhibhlyya—bh nsolo 13 ¶10-12 (mph. 5)

#### ❑ Nsonkhano Wa Basa:

Nyimbo 45

**Mph. 10:** 'Khalani Dzololo M'mabasa Onsene Adidi.' Nkhani yakubuluswa mu nsolo wa nthanda. Lerini na fokotozani Misangani 21:5; Tito 3:1 na 1 Pedro 3:15. Fokotozani kuti kukhunganyika mwadidi kusaphedza tani Akristu. Longani mwa-cigwaga makhundu mangasi a Nsonkhano Wa Basa wa nthanda na dingani kuti asabverana tani na nsolo wa nthanda.

**Mph. 10:** *Bvundzani Muyang'aniri Wa Xikola Ya Utumiki Wa Mulungu.* Kodi mabasa anacita imwe asaphatanizanji? Musakhunganyika tani toera kutsoglera xikola masumana onsene? Thangwi yanji anyakupfundza asafunika kukhunganyika mwadidi makhundu awo? Kodi anyakubvesera anadzakha-la na maphindu api angaleri mphangwa zinafuna kudingwa pa xikola mbadzati kubwera ku misonkhan?

**Mph. 10:** "Kodi Mukukhunganyika Cikumbuso?" Nkhani yakucedza. Bwerezerani mwacigwaga mphangwa zinagumanika pa tsamba 2 ya *Utumi-ki Wathu wa Umambo* wa Murope 2013. Phatani-zani citsando cinapangiza m'mwazi mphangwa mbakacita bweraniko munthu adabwera pa Cikumbuso.

Nyimbo 8 na Phembero

### Kodi Mukukhunganyika Cikumbuso?

Ikhali ntsiku 13 ya Nisane ya 33 N.W. Yezu akhadziwa kuti akhali masiku akumalisa kukha-la na axawwali ace apantima mbadzati kuphi-wa. Iye akhafunika kucita Paskwa yakumalisa na iwo mbatomesa masasanyiro mapswa, Ca-

kudya Cancidodo ca Mbuya. Mwakukhonda penula, cakucitika ceneci cikhafunika kukhunganya. Natenepa, iye atuma Pedro na Jwau toera kakhunganya Paskwa. (Luka 22:7-13) Kutomera pa ndzidzi unoyu, pyaka pyonsene Akristu ana-funa kucita Cikumbuso ceneci asafunika kukhunganyika. (Luka 22:19) Ndi pinthu pipi pinafunika ife kucita toera kukhunganyika Cikumbuso cinafuna kucitwa pa ntsiku 3 ya Bwinja?

### Pinafuna Kukhunganyika Akulu a Mpingo:

- Kucita masasanyiro akuphatisira Nyumba ya Umambo peno mbuto inango yakuthema. Mbuto ineyi isafunika kukhala na mipando yakukwana, ceza cadidi pontho mphepo ya-didi. Kucita masasanyiro akucenesa mbuto ineyi mwanyapantsi.
- Kusankhula nyakucita nkhani wakuthema, muimiriri wakuthema na abale toera kucita phembero pidzindikiro mbipidzati kufambi-swa.
- Khala mipingo mizinji inadzaphatisira mbu-to ibodzi ene, mphayadidi kubverana mwa-nyapantsi ndzidzi wakutoma misonkhano na wakumalisa na mbuto yakuikha mioto-kala.
- Kusankhula akalindi na anafuna kufambisa pidzindikiro.
- Kukhunganyika mwanyapantsi pidzindikiro pyakuthema, maparato, makopo a vinyu, meza na nguwo yakuphimbira meza.

### Pinafuna Kukhunganyika Amwazi Mphangwa:

- Kucita masasanyiro toera kuphata basa mwakukwana mu kampanya yakucemera anthu toera kugumanika pa Cikumbuso.
- Kucita ndandanda wa anyakupfundza Bhibhlyya, acibale, andzanu akuxikola, andzanu akubasa na anthu anango anadziwa imwe toera kuacemera.
- Kuleri na kunyerezera mwacidikhodikho Malemba a ndzidzi wa Cikumbuso.
- Kuenda wakukhunganyika ku Cikumbuso toera kucita bweraniko alendo.

## SUMANA 16 YA MUROPE

Nyimbo 65 na Phembero

### ❑ Pfundziro Ya Bhibhlyya Ya Mpingo:

my nsolo 83, pakutoma dingani mafala akutoma a khundu 6 (mph. 30)

### ❑ Xikola Ya Utumiki Wa Mulungu:

**Kuleri Bhibhlyya:** 1 Samwele 5-9 (mph. 8)

**N.º 1:** 1 Samwele 6:10-21 (mph. 3 peno zakucepa)

**N.º 2:** Maonero a Mulungu a Kuphatisira Ciro-pa Lero—bh nsolo 13 ¶13-16 (mph. 5)

**N.º 3:** Maprofesiya Aumesiya Adakwanirisa Yezu—igw tsa. 11 (mph. 5)

### ❑ Nsonkhano Wa Basa:

Nyimbo 98

**Mph. 10:** Iwo Aperekeka Toera Kuenda Ku Tai-wani. Nkhani yakucedza yakubuluswa mu A *Sentinela* ya 15 de Outubro de 2014, tsamba 3-6. Kodi amwazi mphangwa analongwa mu nsolo unoyo akhunganyika tani toera kuenda ku dziko inango? Ndi nkhombo zipi zidakhala na iwo? Perekani ma-onero akuenda katumikira ku cisa ca dziko yathu cakuti ciri na kufuna kukulu kwa amwazi mphangwa.

**Mph. 20:** “Kuthimizira Maluso Athu Mu Utumi-ki—Kukulisa Cifuno Ca Ale Anapasa Ife Marevista Nthanda Zonsene.” Nkhani yakucedza. Pakumala kudinga nsolo, pangizani mwacigwagwa citsando ca m’mwazi mphangwa mbakatomesa pfundziro ya Bhibhlyya kwa munthu anapasa iye marevista nthanda zonsene. Buluka penepo, bvundzani m’mwazi mphangwa wakuti ali na anthu anapasa iye marevista nthanda zonsene. Anthu anewa ndi angasi? Kodi iye asakhunganyika tani toera kucita ulendo wakubwereza kwa anthu anewa onsenet? Mphembeni kuti alonge pyakuguma-na napyo pyakupambulika.

Nyimbo 101 na Phembero

## Kuthimizira Maluso Athu Mu Utumiki—Kukulisa Cifuno Ca Ale Anapasa Ife Marevista Nthanda Zonsene

**Thangwi Yanji Mphyakufunika:** Anthu azi-nji analeri marevista athu nkhabe cifuno cakupfundza Bhibhlyya na ife. Panango asafuna kakamwe uphemberi wawo, peno asapibva kuti nkhabe ndzidzi wakupfundza. Mbwenye, muna-leri iwo marevista athu ndzidzi onsenet, anakwa-

nisa kukhala na cifuno cikulu ca Mafala a Mu-lungu. (1 Ped. 2:2) Iwo anakwanisa kugumana nsolo unango wakuti unakhuya mitima yawo peno makhaliro awo anakwanisa kucinja. Ku-acedzera ndzidzi onsenet mu phindi zakucepa kunaabalangaza na kutiphedza kudziwa pifuno na pinthu pinaadzudzumisa. Mukupita kwa ndzidzi pfundziro ya Bhibhlyya inakwanisa kutomeswa.

### Tinacita Tani Pyenepi:

- Nthanda zonsene, sakani ndzidzi toera kuenda kaapasa marevista mapswa a *Ncenjezi na Despertai!* Panango munakwanisa kuacedze-ra pa ndzidzi unango nkati mwa nthanda toera kukulisa cifuno cawo cakuleri nsolo una-ngo wa marevista adansiyira imwe peno toera kuapasa mabukhu anagawirwa mu nthanda ineyi. Lembanu mwadidi pyonsene pidacita imwe.—Onani *Utumiki Wathu wa Umambo* wa Thongwe wa 2014, tsa. 3.
- Khunganyikani toera kucita maulendo onse-ne akubwereza. Mbuto mwa kusiya basi ma-revista, cedzani na mwanaciro nyumba na yeserani kucita naye uxamwali toera kukulisa cifuno cace.
- Sakani miyai toera kutomesa pfundziro. Mu-nthu anapasa imwe marevista nthanda zo-nse ne angakucitani mbvundzo thangwi ya ntsonga inango ya m’Bhibhlyya, m’bwere-sereni bukhu ya pfundziro yakuti isatawi-ra mbvundzo wace. Mbamudzati kubulu-ka, citani mbvundzo wakulandana na ntsonga ikhadinga imwe na utawireni pa ulendo wakubwereza. Mungacedza mwaku-khonda phonya ngakhale m’mphindi zingasi basi mukuphatisira Bhibhlyya peno ibodzi mwa mabukhu anaphatisira ife toera kucita mapfundziro, mukucitisa pfundziro ya Bhi-bhlyya. Kodi mwapasa mwanaciro nyumba bruxura *Mphangwa Zadidi* mbamumpangiza mwacigwagwa pfundziro ya Bhibhlyya? Mwa-mpangiza mavidyu *Thangwi Yanji Tisafuni-ka Kupfundza Bhibhlyya?* na Kodi Pfundziro ya Bhibhlyya Isacitwa Tani? Maseze munthu nee atawira pfundziro pakutoma, mbwenye makhaliro asacinja. Kodi pinakhala pyakuphedza kwa imwe kuyesera pontho?

### Yeserani Kucita Ipi Nkati Mwa Nthanda:

- Citani ndandanda wa ale anatawira kutambi-ra marevista nthanda zonsene. Apaseni ma-revista mapswa na apangeni kuti munadza-bweresa anango angafika.

## SUMANA 23 YA MUROPE

Nyimbo 119 na Phembero

### ❑ Pfundziro Ya Bhibhlya Ya Mpingo:

my nsolo 84, 85 (mph. 30)

### ❑ Xikola Ya Utumiki Wa Mulungu:

**Kuleri Bhibhlya:** 1 Samwele 10-13 (mph.8)

**N.° 1:** 1 Samwele 11:1-10 (mph. 3 peno zakucepa)

**N.° 2:** Kodi Ninja Pidalongeratu Bhibhlya  
Thangwi Ya Ntsiku zino?—igw tsa. 12 ¶1-4  
(mph. 5)

**N.° 3:** Mpatisiro Ubodzi Wakutawirika Wa  
Ciropa—bh nsolo 13 ¶17-19 (mph. 5)

### ❑ Nsonkhano Wa Basa:

Nyimbo 20

**Mph. 30:** "Misonkhano Ya Basa Ya M'munda  
Yakuti Isakwanirisa Cifuniyo Cayo." Mibvundzo na matawiro.

Nyimbo 32 na Phembero

## Misonkhano Ya Basa Ya M'munda Yakuti Isakwanirisa Cifuniyo Cayo

<sup>1</sup> Mu ndzidzi unango, Yezu asonkhana na anyakupfundzace 70 mbadzati kuenda kamwaza mphangwa. (Luka 10:1-11, *Tradução do Novo Mundo*) Iye aawangisa mukuadziwisa kuti nee mbadakhala okhene, iwo mbadatsogolerwa na 'mwanaciro wa pinafuna kubvunwa,' Yahova. Pontho iye aapasa pitsogolero pyakuti pyaakhunganya toera kucita basa mbaatumwa 'awiri-awiri.' Lero, misonkhano inacita ife mbatidzati kuenda mu utumiki iri na cifuniyo cibodzi cene—kutiwangisa, kutipasa pitsogolero na kutikhunganya.

<sup>2</sup> Mu ndzidzi uno, nsonkhano wa basa ya m'munda usamala mphindi 10 peno 15, wakanti usaphataniza kukhunganya misoka, kugawa cisa na kucita phembero. Pyenepi cincino pinacinja. Kutomera nthanda ya Bwinja, nsonkhano wa basa ya m'munda unadzakhala wa mphindi zixanu peno zinomwe. Mbwenye, ungacitwa pakumala misonkhano inango ya mpingo, usafuni—

1. Ndi cipi cifuniyo ca misonkhano ya basa ya m'munda?

2. Kodi nsonkhano wa basa ya m'munda usafuniya kumala mphindi zingasi?

ka kumala mphindi zakucepa kakamwe, thangwi abale amala kale kutsandzaya na pinthu Pyauzimu. Kukhala na misonkhano ya basa ya m'munda ya ndzidzi wakucepa kunacitisa anthu kuhfatisira ndzidzi uzinji mu utumiki. Natenepa, apainiya peno amwazi mphangwa angatoma kumwaza mphangwa nsonkhano wa basa ya m'munda mbudzati kutoma, iwo asafunika kulimira mu ndzidzi wakucepa toera agumanikembo pa nsonkhano.

<sup>3</sup> Misonkhano ya basa ya m'munda isafunika kukhunganywa toera ikhale yakuphedza kakamwe kwa amwazi mphangwa. M'mpingo mizini pisakhala pyakuphedza misoka ya basa ya m'munda ingabuluka pace-pace mbuto mwa kusonkhana pabodzi pene. Pyenepi pisaphedza amwazi mphangwa toera kukhonda kufamba nsindzo wakulapha kuenda ku nsonkhano wa basa ya m'munda peno kucisa. Amwazi mphangwa anakwanisa kugawiwa mwakucimbiza, mbipicitisa kukhala pyakukhonda nentsa kwa ayang'aniri a nsoka kutsalakana mwadidi misoka yawo. Nsoka wa akulu a mpingo unakwanisa kudinga makhaliro apacisa mbuona kuti pyadidi ndi pipi. Mbamudzati kumalisa nsonkhano na phembero, onsene asafunika kudziwa kuti anaphata cisa cipi pontho na ani.

<sup>4</sup> **Ndi Yakufunika Kakamwe Ninga Misonkhano Inango Ya Mpingo:** Nakuti misonkhano ya basa ya m'munda isacitwa toera kuphedza ale anafula kuenda mu utumiki, iyo nkhabefunika kubveserwa na anthu onsene m'mpingo. Mbwenye, pyenepi nee pisabveka kuti isafunika kucitura mwaphwazo peno kuoniwa ninga nee ndi yakufunika kupiringana misonkhano inango ya mpingo. Ninga misonkhano yathu yonse, misonkhano ya basa ya m'munda ndi masasanyiro a Yahova akuti asacitisa kuwangisana unango na ndzace ku ufuni na m'mabasa adidi. (Aheb. 10:24, 25) Natenepa, nyakutsogolera asafunika kukhunganyika mwadidi toera nsonkhano ulemedze Yahova na kuphedza abale na alongo. Pingakwanisika, mbipidakhalo pyadidi kuti amwazi mphangwa anafula kuenda ku utumiki awangisire toera kugumanika pa nsonkhano unoyu.

3. Kodi misonkhano ya basa ya m'munda inakhunganywa tani toera ikhale yakuphedza kwa amwazi mphangwa?

4. Thangwi yanji misonkhano ya basa ya m'munda nee isafunika kupwazwa?

##### **5 Pinafuna Kukhunganya Nyakutsogolera:**

Toera munthu akhunganyike mwadidi kuti acite khundu pa nsonkhano, asafunika kupaswa khundu yace mwanyapantsi. Pyenepi ndi sawasawa na misonkhano ya basa ya m'munda. Natene-pa, misoka ya basa ya m'munda ingasonkhana pace-pace, ayang'aniri a misoka peno abale anaaphedzera ndiwo anafuna kutsogolera nsonkhano unoyu. Mbwenye, mpingo ungacita pabodzi pene nsonkhano wa basa ya m'munda, muyang'aniri wa basa ya m'munda ana-dzasankhula m'bale m'bodzi toera kutsogolera. Ayang'aniri anango a basa ya m'munda asapasa ndandanda onsenne anatsogolera, pontho asai-kha ibodzi pa kwadru ya pidziwiso. Muyang'aniri wa basa ya m'munda asafunika

kusankhula mwadidi anafuna kutsogolera, mba-dziwa kuti toera misonkhano ikhale yakuphi-ndulisa isanyindira maluso akupfundzisa na aku-khunganyika a ale anatsogolera. Khala nkhabepo nkulu wa mpingo, ntumiki wakutumikira, peno m'bale unango wakuthema wakubatizwa toe-ra kutsogolera ntsiku zinango, muyang'aniri wa basa ya m'munda asafunika kusankhula mulongo wakuthema wakubatizwa toera kutsogolera. —Onani nsolo wakuti "Ingatsogolerwa Na Mulo-nego."

6 Tingapaswa nkhanu pa Xikola Ya Utumiki Wa Mulungu peno pa Nsonkhano Wa Basa, ife tisa-khunganyika mwadidi. Ndi akucepa mwa ife anadikhira mpaka ndzidzi wakuenda ku misonkhano toera kutoma kunyerezera pinafuna ku-longa iye. Basa yakutsogolera nsonkhano wa basa ya m'munda isafunika kuoniwa munjira ibodzi ene. Nakuti cincino nsonkhano wa basa ya m'munda unadzakhala wa mphindi zakucepa, kukhunganyika mwadidi ndi kwakufuni-ka kakamwe toera nsonkhano unoyu ukhale wakuphindulisa mbumala mu ndzidzi wakuthema. Kukhunganyika mwadidi kusaphatanizambo ku-dziwa cisa *mwanyapantsi*.

5. (a) Ndi basa ipi iri na muyang'aniri wa basa ya m'munda pakucita masasanyiro a misonkhano ya basa ya m'munda? (b) Kodi mulongo asafunika kutsogolera tani nsonkhano wa basa ya m'munda?
6. Thangwi yanji m'bale adasankhulwa toera kutso-golera asafunika kukhunganyika mwadidi?

7 **Ninji Pinafuna Kudingwa:** Nakuti makhali-ro a cisa na cisa asasiyana, m'bandazi waku-khulupirika nee asaperekwa tsamba ya nkhanu za misonkhano ya basa ya m'munda. Bokosi ya nso-lo wakuti "Nkati Mwa Nsonkhano Wa Basa Ya M'munda Munakwanisa Kudinga" perekani ma-onero mangasi. Kazinji kene, nsonkhano unadza-citwa ninga nkhanu yakucedza. Ndzidzi unango, munakwanisa kuphataniza citsandzo peno vi-

dyu yakuthema inagumanika mu jw.org. Pakuhunganyika nsonkhano wa basa ya m'munda, nyakutsogolera asafunika kunyerezera pinthu pya-kuuti pinawangisa na kuperekwa pitsogolero kwa anafuna kue-nda mu utumiki ntsiku ineyi.

8 Mwacitsandzo, Masabudu onsenne, amwazi mphangwa azinji asagawira *Ncenjezi* na

*Despertai!* Anthu azinji anaenda mu utumiki Ma-sabudu onsenne nee asabuluka pakati pa sumana, panango iwo ananentseka toera kukumbuka ma-perekero aumboni adakhunganya iwo pa Kul-imbira Kwawo Kwa Banja namaulo. Na thangwi ineyi, pinakhala pyakuphedza nyakutsogolera angalonga pya maperekero aumboni anaguma-nika mu *Utumiki Wathu wa Umambo*. Maone-ro anango ndi kulonga kuti tinaphatisira tani makhaliro apacisa, pyakucitika, peno firiyadu pakugawira marevista peno kuti tinacita tani masasanyiro a ulendo wakubwerezwa khala mare-vista atambirwa. Khala anango anagumanika pa nsonkhano wa basa ya m'munda aphatisira kale marevista anagawirwa, nyakutsogolera anakwa-nisa kuaphemba toera aperekwa maonero manga-si acigwagwa peno kulonga pyakugumana nappyo pyakuwangisa. Madimingu onsenne, nyakutsogo-lera anakwanisa kulonga pang'ono thangwi ya mabukhu anagawirwa nthanda ineyi. Mabukhu a pfundziro, ninga mabruxura *Mphangwa Zadidi* na *Bverani Mulungu* na buku *Biblya Isafunzisani* anakwanisa kugawirwa ntsiku zonsene, nate-nepa nyakutsogolera anakwanisa kulonga mwa-cigwagwa kuti tinagawira tani mabukhu anewa.

7. Ndi pinthu pipi pinafuna kudinga nyakutsogo-lera?
8. Ndi pinthu pipi pyakuphedza kakamwe toera ku-dingwa pa misonkhano ya basa ya m'munda Masa-budu na Madimingu onsenne?

<sup>9</sup> Khala mpingo ukucita kampanya yakupambulika pakumala kwa sumana, nyakutsogolera anakwanisa kulonga kuti tinagawira tani marevista mapswa pabodzi na ncemerero peno trata-do, peno kulonga kuti tinacita tani munthu angapangiza cifuno. Maonero anango ndi kulonga pyakugumana nappyo pinagomezera kufuni-ka kwa makampanya anewa.

<sup>10</sup> **Pinafuna Kukhunganyika Amwazi Mpha-**

**ngwa:** Amwazi mphangwa asa-citambo khundu mukucitisa nsonkhano wa basa ya m'munda kakhala wakuphindulisa. Kukhunganyika mwanya-pantsi, panango pa kulambira kwawo kwa banja, kunaaphe-dza toera kupereka maone-ro akuphindulisa kwa amwazi mphangwa andzawo . Kukhunganyika mwadidi kusaphata-nizambo kukwata marevista na mabukhu anango *mbadzati* kuenda ku nsonkhan-o wa basa ya m'munda toera kuti onsenе aende ku cisa mwakukhonda dembuka.

<sup>11</sup> Mphyakufunikambo kucita masasanyiro akufika pa nsonkhano wa basa ya m'munda nakweru. Inde, tisawangisira kufika nakweru m'misonkhano yonsene ya mpingo. Natene-pa, pisadzudzumisa tingafika mwakudembuka pa nsonkhano wa basa ya m'munda. Munjira ipi? Nyakutsogolera asadinga pinthu pingasi mba-dzati kupaka misoka. Khala pana amwazi mphangwa akucepa, iye anakwanisa kupereka maone-ro a kuenda ku cisa cidaphatwa basa pang'ono. Khala anango ali pa nsonkhano unoyu abulu-ka kutali pontho cisa ciri kutali, iye anakwanisa kugawa amwazi mphangwa anewa na ale ali na miotokala. Khala cisa ndi cakugopswa, nyaku-tsogolera anakwanisa kugawa abale pabodzi na alongo peno aphate basa cifupi na misoka ya alongo. Ale ali na ungumi wakunentseka anakwanisa kuphata basa mu nseu wadidi peno zinyumba za maxikada akucepa. Amwazi mphangwa apswa asafunika kuphata basa na amwazi mphangwa aluso. Mbwenye, amwazi mphangwa

9. Ninji pinafuna kulongwa pakumala kwa sumana tingacita kampanya yakupambulika?

10, 11. Thangwi yanji kukhunganyika kwa amwazi mphangwa ndi kwakufunika toera misonkhano ya basa ya m'munda ikhale yakuphindulisa?

angafika mwakudembuka, kazinji kene masasa-nyiro anacitwa papswa toera kuphedza akude-mbuka. Natene-pa, m'midzidzi inango tinakwanisa kukhala na mathangwi adidi akudembuka. Mbwenye, tingakhala na nsambo wakudembuka, tisafunika kubvundzika kuti pyenepi pisacitika thangwi yakukhonda kupereka takhuta ku miso-nkhano ya basa ya m'munda peno thangwi yaku-khonda kwanisa kukhunganyika mwanyapantsi.

<sup>12</sup> Amwazi mphangwa anafuna kuenda m'munda anakwanisa kusankhula mwanya-pantsi anafuna kubuluka na iwo peno kusankhulirwa. Kha-la kazinji kene musacita masasanyiro anu ene, kodi 'mu-nafungula mitima yanu' mukuphata basa na amwazi mphangwa akusiyana-siyana mbuto mwa kuphata basa na munthu m'bodzi ene ndzi-

dzi onsenе? (2 Akor. 6:11-13) Kodi m'midzidzi inango munakwanisa kucita masasanyiro akubuluka na m'mwazi mphangwa mupswa toe-ra kumphedza kuti athambaruke m'maluso ace akupfundzisa? (1 Akor. 10:24; 1 Tim. 4:13, 15) Bveserani mwacidikhodikho pitsogolero pyonse-ne pinapaswa imwe, kuphatanizambo kunafuna kamwaza imwe mphangwa. Nsonkhano ungama-la, calirani kucinja masasanyiro adacitwa na bu-lukani mwakucimbiza.

<sup>13</sup> Anyakupfundza 70 adatuma Yezu, pakuma-la kumwaza mphangwa 'abwerera akukome-rwa.' (Luka 10:17, NM) Mwakukhonda kupenula, kusonkhana kwa Yezu na iwo mbadzati kuto-ma kumwaza mphangwa kwaaphedza toera ku-pembera. Lero, misonkhano ya basa ya m'munda inakwanisambo kakhala na maphindu mabodzi ene. Onsenе angadziwa makhundu awo na ku-acita, misonkhano ya basa ya m'munda inatiwangisa, kutipasa pitsogolero na kutikhunganya to-era kukwanirisa basa yathu ya kupereka 'umboni kwa anthu a mitundu yonsene.'—Mat. 24:14.

12. Khala kazinji kene musacita masasanyiro anu ene, ninji pinafunika imwe kudinga?

13. Onsenе angadziwa makhundu awo na kuacita, kodi misonkhano ya basa ya m'munda inadzakhala yakuphindulisa tani?

**Pakukhunganyika  
nsonkhano wa basa ya  
m'munda,  
nyakutsogolera  
asafunika kunyerezera  
pinthu pyakuti  
pinawangisa na  
kupereka pitsogolero  
kwa anafuna kuenda mu  
utumiki ntsiku ineyi**

## Ingatsogolerwa Na Mulongo

Mulongo asafunika kuphimbira nsolo na kutsogolera nsonkhano wa basa ya m'munda mba-dakhala pantsi. Pinafuna iye kudinga pisafunika kukhala pyakulandana na pikhafuna kudinga m'bale. Mu ndzidzi ubodzi ene asafunika kucalira kupereka maonero akuti akupfundiza anthu ali penepo, iye anakwanisa kutomesa kucedza. Angaphemba mulongo unango toera kucita phembero, mulongo unoyu asafunikambo kuphimbira nsolo. M'bale wakubatizwa angafika pa nsonkhano mulongo mbadatoma kale kutsgolera, asafunika kusiya m'bale kuti amalise nsonkhano unoyu. Muyang'aniri wa basa ya m'munda asafunika kudinga makhaliro akuti m'middidzi inango asacitika, mbapereka pitsogolero pyakuthema toera kucalira kugwegweduza anango. Mwacitsando, panango mphale wang'ono wakubatizwa anakwanisa kugumania-

ka pa nsonkhano unatsogolera mulongo, mbwenye akulu a mpingo asaona kuti iye nee athema toera kutsogolera nsonkhano. M'makhaliro ane-wa, muyang'aniri wa basa ya m'munda asafunika kupanga anthu anacita khundu ya nsonkhano unoyu kuti mulongo ndi anafuna kutsogolera nsonkhano, mbwenye m'bale ndi anafuna kucita phembero khala akulu a mpingo aona khala pyakuthema. Peno pinacitika kuti pa nsonkhano unoyu pana m'bale wakuti akhondeswa kutsogolera nsonkhano peno kucita phembero pa mpingo thangwi ya pinango pinadziwa akulu a mpingo. Mukukhonda kulonga mphangwa zacibisobiso, akulu a mpingo asafunika kudziwisa alongo akusankhulwa kuti ndiwo anafunika kutsogolera na kucita phembero maseze m'bale unoyu ali penepo. Akulu a mpingo asafunika kudziwisambo m'bale unoyu ntsiku zina-funa kutsogolera alongo misonkhano ya basa ya m'munda.

### Nkati Mwa Nsonkhano Wa Basa Ya M'munda Munakwanisa Kudinga:

- Maperekero aumboni anagumanika mu *Utumiki Wathu wa Umambo*.
- Vidyu yakuthema inalonga pya utumiki inagumanika mu jw.org.
- Khundu inango ya maperekero aumboni adidi, ninga mafala akutoma, kucita masasanyiro a ulendo wakubwerezza, peno kulonga masasanyiro a pyakupe-reka pyaufulu khala marevista atambirwa.
- Lembu yakuwangisa peno yakupasa ci-tsogolero yakuti isabverana na utumiki.
- Pyakugumana napyo pya basa ya m'munda pyapacisa peno pya m'mabukhu athu.
- Mphangwa zinagumanika m'misolo ya *Utumiki Wathu wa Umambo*.
- Mphangwa zinagumanika m'makhundu a cincino a Nsonkhano wa Basa.
- Mphangwa zinagumanika mu *Ncenjezi zinalonga* pya utumiki.
- Mphangwa zinagumanika m'mabukhu ninga *Escola do Ministério* na "Bwera Dzanditowera" zinalonga pya utumiki.
- Khundu inango ya jw.org yakuti inaphatisirwa mu utumiki.
- Mphangwa zinagumanika m'mabukhu ninga *Mafala Akutoma a Bhibhlya* zakuti zinaphatisirwa mu utumiki.
- Tinatomesa tani makani na anthu anaguma ife mu cisa cathu, ninga anakhonda kukhulupira kukhala-po kwa Mulungu, anakhulupira ku-sanduka kwa pinthu, Maindu, peno Abhudhista.
- Tinatawira tani anthu akuti panango anatigwanda mafala.
- Munaphedza tani ndzanu wa basa ya m'munda kukhala wa luso yadidi angafika panyumba.
- Munacita tani mungagumana anthu analonga cilongero cinango.
- Munaphata tani basa mu khundu inango ya utumiki inacita andzanu, ninga basa yakusaka anthu analonga cilongero cinango, kupereka umboni mukuphatisira ntokodzi, umboni wapakweca, maulendo akubwerezza, peno mapfundziro a Bhibhlya.
- Kufunika kwa kukhala akutsidzikizika, akucimbiza kucita pinthu, a makhaliro adidi, maonero adidi, peno pinango pyakulandana na pyenepi.

## SUMANA 30 YA MUROPE

Nyimbo 57 na Phembero

### Pfundziro Ya Bhibhlyya Ya Mpingo:

my nsolo 86, 87 (mph. 30)

### Xikola Ya Utumiki Wa Mulungu:

**Kuleri Bhibhlyya:** 1 Samwele 14-15 (mph. 8)

**N.º 1:** 1 Samwele 14:36-45 (mph. 3 peno zaku-cepa)

**N.º 2:** Ninji Cinacitisa Banja Kukhala Yakutsa-nzdaya?—bh nsolo 14 ¶1, 2 (mph. 5)

**N.º 3:** Kukwanirisika Kwa Profesiya Ya Bhibhlyya Thangwi Ya Ntsiku Zakumalisa—igw tsa. 13 ¶1 (mph. 5)

### Nsonkhano Wa Basa:

Nyimbo 37

**Mph. 15:** Mavidyu Akuthimizirika Mu Web Site

Yathu Toera Kuaphatisira Mu Utumiki. Nkhani yakucedza. Pakutoma pangizani vidyu Kodi Pfundziro ya Bhibhlyya Isacitwa Tani? Buluka pene-po, dingani njira zakuphatisira vidyu ineyi peno mphangwa zakugravarwi mu utumiki. Mungamala citani pibodzi pyene na vidyu *Ninji Pinacitwa pa Nyumba ya Umambo?* Phatanizani citsandzo cibodzi.

**Mph. 15:** “Phatisirani kabukhu ‘Mafala Akutoma a Bhibhlyya’ Toera Kutomesa Makani.” Mbvundzo na matawiro. Phembani anyakubvesera toera kupereka maonero a njira zinango zakuphatisira kabukhu “Mafala Akutoma a Bhibhlyya” mu utumiki. Anthu azinji akuti nee asalonga Cingere-zi atambira mphangwa zenezi mu kabukhu *Mafala Akutoma a Bhibhlyya* (igw) kadabuluswa pa nsonkhano wa Gawo wa 2014 wakuti “Pakutoma Sakani Umambo wa Mulungu.” Phatanizani citsandzo cibodzi.

Nyimbo 114 na Phembero

## “Phatisirani kabukhu ‘Mafala Akutoma a Bhibhlyya’ Toera Kutomesa Makani.”

<sup>1</sup> Kabukhu “Mafala Akutoma a Bhibhlyya” kali na mphangwa zakuti zisagumanika kukhundu yakutoma ya *Tradução do Novo Mundo* yakusasanyirwa papswa. Tinaphatisira tani feramentu ineyi ipswa munakhunganyika ife maperekero aumboni mu utumiki? Nakuti khundu ineyi iri na malemba mazinji toera kudinga ntsonga zakusiyana-siyana za Bhibhlyya, ninga pinacitwa na buku *Raciocínios*, inkhala yakuphedza kakame we toera kutomesa makani.

1. Ndi feramentu ipi ipswa idatambira ife toera kui-phatisira mu utumiki?

<sup>2</sup> Munakwanisa kuphatisira mbvundzo 8 mba-mulonga: “Tikucedza mwacigwagwa na anyakuendekana athu thangwi anthu azinji asabvundzika, ‘Kodi ndi Mulungu anacitisa nyatwa zinatamba anthu?’ [Mu pisa pinango, pisakha-la pyakuphedza kakamwe *kupangiza* mbvundzo mwanaciro nyumba.] Ndi api maonero anu? [Dikhirani ntawiro.] Bhibhlyya isapereka ntawiro wakutsandzayisa wa mbvundzo unoyu.” Lerinu na fokotozani lemba ibodzi peno mangasi anagumanika pa mbvundzo unoyu m’Bhibhlyya. Mwanaciro nyumba angapangiza cifuno, munakwanisa kumpangiza mibvundzo 20 inagumanika mwenemu na kumphemba kuti asankhule ubodzi toera kuudinga pa ulendo unango. Peno munakwanisa kumpasa ibodzi mwa mabukhu athu a pfundziro yakuti iri na mphangwa zizinji za mbvundzo unoyu.

<sup>3</sup> Mbvundzo 4 na 13 mpaka 17 inaphedza kakamwe munamwaza ife mphangwa mu pisa pyakuti anthu ali na uphemberi wakukhonda khala Wacikristu. Mwacitsandzo, munakwanisa kuphatisira mphangwa za mbvundzo 17 mbamulonga: “Tikucedza mwacigwagwa na mabanja. Kodi musatwira kuti mabanja asathimbana na nyatwa zizinji lero? [Dikhirani ntawiro.] Anyakuma-naga mabanja azinji asaona mafala awa kukhala akuphedza kakamwe: ‘Nkazi asafunika kulemedza kakamwe mamunace.’ [Nkhabe funika kulo-nga kuti mafala anewa asagumanika pa Aefesi 5: 33. Khala mukulonga na nkazi, tcululanai mafala anagumanika pa Aefesi 5:28.] Kodi musanyereze-ra kuti kuphatisira uphungu unoyu kunaphedza m’banja?”

<sup>4</sup> Pakumala kucedza, citani masasanyiro toera mudzapitirize na makani pa ulendo unango. Panango munadzacedza thangwi ya lemba ibodzi mwa malemba anagumanika pa mbvundzo uadinga imwe. Pa ndzidzi wakuthema, dziwisani mwanaciro nyumba kuti mafala adidi akhalonga imwe ndi a m’Bhibhlyya. Mwakubverana na pi-khacedza imwe m’maulendo a nduli pontho kuti munthu unoyu asaona tani Bhibhlyya, mpaseni buku yakuti anakomerwa nayo.—Onani n’thimiziro wa *Utumiki Wathu wa Umambo* wa Mai-ndza wa 2013.

2. Tinaphatisira tani “Mafala Akutoma a Bhibhlyya” mu utumiki?
3. Tinaphatisira tani “Mafala Akutoma a Bhibhlyya” toera kutomesa makani mu pisa pyakuti anthu ali na uphemberi wakukhonda khala Wacikristu?
4. Kodi munacitanji pakumala kucedza na munthu wakuti ali mu uphemberi wakukhonda khala Waci-kristu?

## SUMANA 6 YA BWINJA

Nyimbo 124 na Phembero

### ❑ Pfundziro Ya Bhibhlya Ya Mpingo:

my nsolo 88 (mph. 30)

### ❑ Xikola Ya Utumiki Wa Mulungu:

**Kuleri Bhibhlya:** 1 Samwele 16-18 (mph. 8)

**N.° 1:** 1 Samwele 18:17-24 (mph. 3 peno zakucepa)

**N.° 2:** Kodi Ndi Mulungu Anacitisa Nyatwa Zinatamba Anthu?—igw tsa. 14 ¶1-4 (mph. 5)

**N.° 3:** Kodi Kutsandzaya Kwa Banja Kusanyindiranji?—bh nsolo 14 ¶3, 4 (mph. 5)

### ❑ Nsonkhano Wa Basa:

Nyimbo 85

**Mph. 10:** Kugawira Marevista Mu Nthanda Ya Bwinja. Nkhani yakucedza. Tomani na kumpangiza kuti tinagawira tani marevista, mukuphatisira maperekero aumboni. Buluka penepo dingani maperekero aumboni onsene bulukira akutoma mpaka akumalisa.

**Mph. 10:** Ninji Pidakwanisa Ife? Nkhani yakucedza. Phembani anyakubvesera toera kulonga kuti aphindula tani thangwi ya kuhaptisira ntsonga za mu nsolo wakuti "Kuthimizira Maluso Athu Mu Utumiki—Kukulisa Cifuno Ca Ale Anapasa Ife Marevista Nthanda Zonsene." Phembani anyakubvesera toera kulonga pyakugumana nappy pyadidi.

**Mph. 10:** Pyakufuna Pyapampingo.

Nyimbo 106 na Phembero

## Pidziwiso

■ Mabukhu anafuna kugawirwa mu nthanda ya **Murope na Bwinja 2015:** Marevista a Ncenjezi na **Despertai! Gonkho na Khoni 2015:** Kodi Mwandimomwene Biblya Isapfunzisanji? peno tratado Kodi Musafuna Kudziwa Undimomwene? na matratado onsene mapswa anagumanika pa mpingo.

■ Cikumbuso cinadzacitwa n'Cixanu, ntsiku 3 ya Bwinja ya 2015. Khala mpingo wanu usacita misonkhano n'Cixanu, misonkhano ineyi isafunika kucitwa pa ntsiku inango ya sumana yakuvi Nyumba ya Umambo nkhabe kuphatisirwa. Khala Nsonkhano wa Basa nkhabe kudzacitwa pa ntsiku ineyi, m'bveranisi wa nsoka wa akulu a mpingo anadzacita masasanyiro toera makhundu akufunika m'mpingo wanu acitwe mu nthanda ineyi.

## Maperekero Aumboni

### NCENJEZI 1 ya Bwinja

WAKUDZIWISA UMAMBO WA YAHVOA

"Tikugawira tratado iyi kwa anthu onsene mu cisa cino lero. [Pasani mwanaciro nyumba tratado Kodi Bhibhlya Musaiona Tani? na nciteni mbvundzo uli pa tsamba yakutoma. Mpangizeni ntawiro wa Bhibhlya unagumanika pa 2 Timoti 3:16 na muwangiseni toera kuleri tratado angakhala na ndzidzi.] Anthu azinji nkhabe dziwa kuti Bhibhlya isapereka matawiyo adidi a mibvundzo ninda ineyi. [Mpangizeni mbvundzo wakutoma wa nsolo wakutoma wa Ncenjezi.] Revista iyi isafokotoza kuti munagumana tani ntawiro m'Bhibhlya yanu."

### Despertai!® Abril

"Lero tikucedza mwacigwaga thangwi anthu azinji asadzudzumika na kucinja kwa makhaliro a mabanja. Mu pyaka pya nduli, anyakubala akhatonga anawo, mbwenye cincino, m'mabanja anango pisaoneka ninda ana asacita pinafuna iwo. Kodi musanyerezera kuti anyakubala lero asasandika anawo ninda munafunikira ipyo? [Dikhirani ntawiro.] Mwakubverana na Bhibhlya, kusandika ndi kwakufunika. [Lerini Misangani 29:17.] Revista ino isafokotoza pipfundziso pyakulinganira pya Bhibhlya toera kusandika ana."

### Ntsonge Zikulu za Basa ya M'Munda

Tiri akutsandzaya kukudziwisani kuti mu nthanda ya Malimwe takhala na amwazi mphangwa akupiringana midzidzi yonsene akukwana 56.682. Pyenepi pisapangiza kuthimizirika kukulu kwa numero ya caka cidamala mu nthanda ibodzi ene. Kusiyapo kuthimizirika kwenku kwakutsandzayisa kwa amwazi mphangwa, takhalambo na kuthimizirika m'makhundu anango onsene a basa ya m'munda. Tikuwangisa amwazi mphangwa onsene toera kuitiriza kuhala aphinga na kupereka malipoti awo a basa ya m'munda mwakuhonda dembuka. Natenepa, tendeni tipitirize kulambira mu templo ikulu yauzimu, mbatiidzadza na "pinthu pyakufunika," mpaka Yahova kulonga kuti basa yakwana. — Ageu 2: 6, 7, NM.



km15/03-SEN MZ  
141208